

雲臺新志

ル 5
1103
1



道光丙申秋鐫

雲臺山新志序

郁洲書院藏板

雲臺山新志序

古來名勝之地必藉人以傳人與地相值而
盛事見焉乃山川城邑亘古如斯而昔之巖
疆今為仁宇昔之瘠壤今為樂土豈非地同
而所值之人不同耶峴山為漢上小山乃自
羊祜子登臨言詠此山遂不朽千古况卓卓
如雲臺山者哉雲臺本名郁洲山在海中周
三百餘里為淮黃之尾閭宋齊之間嘗建州
治郡治又改縣治因革不常而雲臺之名至



明始見我

朝順治十八年因海氛不靖尚書蘇納海等會

閱江南沿海地方

奏請將各島居民遷入內地因山在海中一併

禁為界外

世祖章皇帝廟謨深遠以此山為東南重地祇可增兵不可廢置

特遣重臣再臨東海而其時人民已遷不可卒復康

熙十六年漕運總督帥顏保疏請復雲臺山

聖祖仁皇帝知此山為海邦保障

俞旨復為內地三十一年

御書遙鎮洪流額賜雲臺山三元宮三十八年

聖駕南巡遣侍衛詣山進香則是山之疊膺

寵錫作鎮東方實自我

朝始也惟此山雖與內地僅隔一渡而渡名對

口溜風濤險惡印涉為難逮康熙四十年後

海漲沙淤漸成平陸直接雲臺無復有涉險

之憂豈非茲山有靈不甘自居海外而欲進

於文明之世以啓一代奇偉之績歟今
宮保陶雲汀先生恭膺

簡命總制三江因兩淮鹽務凋敝已甚釐剔諸弊
爰先在淮北

奏改票鹽遂於道光十二年親履海州登山周
覽池曠酌定章程嗣於十五年因閱伍復至
海州觀票鹽之成又與僚屬登山尋故履焉
前後各有題詠碑記而地與人遂極一時之
盛此雲臺新志所由作也夫書之作所以道

政事古者誦訓掌道方志以詔觀事則所賴
乎志乘者非特一名一物鏡刻青翠供學士
大文人採摭而已將必有以存一朝之掌故辨
當日之機宜使後之覽者得資考鏡卷內票
鹽志尤足見老成謀

國通變宜民補偏救弊之苦心矣若夫主脩者
為松滋謝令元淮任編纂者為州人許令喬
林謝令現署海州分司當釐務倥偬之餘乃
能蒐采舊聞成茲新帙固大異於俗吏之所



為而許令以好古績學之士與之商確古今
論著得失宜其相得益彰爾是書之成不特
超軼前志且可與海內名山川諸圖志並傳
不朽余嘗以按部至海安堤上北望雲臺山
鬱々蒼々惜未能一至其地三復斯編不禁
神為之往云

大清道光十有七年歲次丁酉夏五月朔

賜進士出身兵部侍郎兼都察院右副都御史總
督江南河道提督軍務長白麟慶謹序



雲臺山志云海州許君高林無錫令
 松滋謝君元淮所合輯也山即山海
 經之郁洲亦名鬱洲四面際海袤亘
 三百餘里控制險要屏障淮北晉劉
 琨之劉裕之所戰爭六朝迄明皆建城
 駐兵或置節鎮我朝定鼎海禁碁巖至今大吏肄武






牧令詰奸樓船水師歲時會哨則海功
重焉又當河淮尾閘陵谷滄桑漸淤
成陸故勒文襄有百年後將榮馬上
雲臺山之語至今遂驗雲梯閣下新
漲千里長沙海口愈遠則長隄愈宜接
築斯河渠繫焉環山數百里斥鹵相望
對岸即登萊為長蘆鹵地而營海門東

舟山為私梟出沒要道則釃改閘焉
蒼山改海河鹽三大改所關誠為土
訓掌詔方志者所宜重道光十有二
年兩江制府宮保陶公閱武海也亟籌
釃事登是山以覽形勢場窳林藪積
素千里蒿目商民之久困遂獲通釃
法改易舊道商販雲集積鹵一空化

私為官湖淮安業逾二載公重玉海
物歡迎謳頌凡杖屐之游屆翰墨之
所題詠爭摹泐鐫鏡傳為騁蹟巡行所
至焚舍俱榮者為夫西湖之隄堰河北
之塘灤皆水利兵機所繫而白蘇何三
公唯託之游覽寄之觴詠豈非天子經
國之遠猷固有出濠梁之餘契纓組之

倥傯不害其物外之遐觀者乎乾隆中
初脩是山廟者為五邑宮保崔大司
寇應階時為漕帥又六十餘載而宮保陶
公至皆五楚偉人之為茲山增重謹附
畫以告後之君子時道光丁酉新秋日在
鶉尾之次撫吳使者江夏陳壑譔



海內之五嶽九州之鎮山吾得而至之山有志吾得而讀之海外神仙之窟宅其名吾知之其地吾不得而至也山未必有志卽有之度亦如東方曼倩十洲記之流非仙真不能作非仙侶不得讀也海州之雲臺山山海經之都洲也水經注謂之郁洲亦曰鬱洲相傳自蒼梧浮來上有南方艸木爲海上十洲之一中隔洪流六朝時僑置青冀二郡明中葉建三元宮始名雲臺

國初海上不靖徙其民康熙中海禁開始入版圖乾隆中潮徙沙漲昔之海程悉成平陸諺所謂走馬上

雲臺至此乃驗始信古人所云蓬萊清淺東海揚塵
非虛語也山有志始於明顧乾修於

國朝趙一琴李普元崔應階吳恒宣歷今又六十餘
年事之有關於

國計民生爲徵文考獻所必及者數倍於前及今不
輯慮無以表山海之崇深而昭賢哲之經濟也吾友
松滋謝君默卿楚北之才人江左之能吏也嘗從今
制府 宮保陶公因籌淮北新隄來登茲山 宮保
賦詩四章海內和者數百家君彙付梓人余爲序而
行之今君治隄五年而成效大著乃與邑人許君石

華輯雲臺新志工旣竣郵書見示屬爲弁言因憶乙
未初夏余偕君從 宮保來登茲山同訪蟠龍松於
屏竹西巖下因話山中十一松之勝次日過金牛頂
登海曙樓至玉蘭仙觀羽士以山中所產櫻桃葛粉
供客遂下東磊過武陽湖入宿城山訪仙人石屋於
虹橋上憑玉女之窗而舒嘯焉飄飄有淩虛御風之
意又次日過高公島觀海海鷗翔集游泳以千百計
若迎 使節東望大洋渺無涯涘其左浮青一髮隱
隱天際土人云山左之登萊也是役也 宮保手書
摩崖大字者十餘余與君各賦詩紀事今讀斯志自

宮保名作外所錄余詩爲多每一展誦覺天風浪
浪海山蒼蒼圓嶠方壺若在指顧安期浮邱猶可招
而至也君生長屈宋風騷之地所爲養默山房詩集
高興颺舉逸情雲上抱仙骨而雜仙心將爲君首屈
一指並以桓寬劉晏之才畧佐 宮保治齋雖淮北
一隅而商聚於場丁歸於垣上應度支歲有溢額此
非 宮保不能識君非君不足以佐 宮保也余比
以濟世無術重入春明期以三載歸老西冷懷仙小
閣近在葛嶺之麓將以晚歲輯鍾呂陶許之書茲山
近海多仙靈往來君其有所遇乎幸告我於山翠湖

淥間三潭浣雪九島嘯烟白雲在天滄波無極思而
不見我勞如何書以荅君卽以爲序

崑

道光丁酉六月錢塘愚弟陳文述頓首拜撰

雲臺新志總目

修輯銜名

凡例

卷首

圖

卷第一

恭紀

恩榮

卷第二

建置

山海形勝
郡縣沿革

山名異同
裁復原委

雲臺新志

總目

七

卷第三

紀事

卷第四

山水上

雲臺山 湖北諸山

雲臺後頂及湖南諸山 海中諸山

卷第五

山水下

海堰壩

湖河浦泉 橋梁

潭澗溝汪

卷第六

城村

南城及西路鎮湖南各村
東路鎮湖南各村
北城及西路鎮湖北各村
東路鎮湖北各村

卷第七

勝蹟上

巖壑園亭

卷第八

勝蹟下

顧乾雲臺山三十六景
黃申瑾雲臺山二十四景

卷第九

寺觀上

前明創建三元宮緣起
康熙中重建三元宮原委
乾隆嘉慶中重修三元宮始末
道光甲午大修三元宮紀略

卷第十

寺觀下

雲臺附近各寺觀

卷第十一

物華

卷第十二

票鹽上

票鹽下

卷第十三

靈植

卷第十四

金石

卷第十五

藝文

卷第十六

叢譚

卷第十七

雜綴

卷第十八

考證

卷末

敘錄上 舊志

敘錄下 自敘

卷目
卷之二
卷之三
卷之四
卷之五
卷之六
卷之七
卷之八
卷之九
卷之十
卷之十一
卷之十二
卷之十三
卷之十四
卷之十五
卷之十六
卷之十七
卷之十八
卷之十九
卷之二十
卷之二十一
卷之二十二
卷之二十三
卷之二十四
卷之二十五
卷之二十六
卷之二十七
卷之二十八
卷之二十九
卷之三十
卷之三十一
卷之三十二
卷之三十三
卷之三十四
卷之三十五
卷之三十六
卷之三十七
卷之三十八
卷之三十九
卷之四十
卷之四十一
卷之四十二
卷之四十三
卷之四十四
卷之四十五
卷之四十六
卷之四十七
卷之四十八
卷之四十九
卷之五十
卷之五十一
卷之五十二
卷之五十三
卷之五十四
卷之五十五
卷之五十六
卷之五十七
卷之五十八
卷之五十九
卷之六十
卷之六十一
卷之六十二
卷之六十三
卷之六十四
卷之六十五
卷之六十六
卷之六十七
卷之六十八
卷之六十九
卷之七十
卷之七十一
卷之七十二
卷之七十三
卷之七十四
卷之七十五
卷之七十六
卷之七十七
卷之七十八
卷之七十九
卷之八十
卷之八十一
卷之八十二
卷之八十三
卷之八十四
卷之八十五
卷之八十六
卷之八十七
卷之八十八
卷之八十九
卷之九十
卷之九十一
卷之九十二
卷之九十三
卷之九十四
卷之九十五
卷之九十六
卷之九十七
卷之九十八
卷之九十九
卷之一百

雲臺新志修輯銜名

總修

署兩淮都轉鹽運使司淮海州分司運判江蘇無錫縣知縣松滋謝元淮

默卿

纂輯

前任山東泰安府平陰縣知縣海州許喬林

石華

分校

舉

人海州黃鴻業

儀山

舉

人海州楊德昭

東門

選

拔

貢

生海州陶應榮

柳村

選

拔

貢

生贛榆許炳蔚

養山

國子監

生松滋謝先誨 春圃

生員海州許徵耀 小石

繕寫

生員寶應劉謨孫 榕園

繪圖

兩淮卽補鹽運司知事管理中富局黃岡王鏞 笙友

雲臺新志凡例十六則

雲臺新志凡例十六則

宋倪守約赤松山志有制誥門明傅梅嵩書有宸望

門綸綽所賣名山增靈自古榮之今雲臺山三元

宮敬懸

聖祖仁皇帝

御書遙鎮洪流四字扁額考宋犖西陂類稿有恭紀康

熙三十八年恭舉

聖駕南巡

命侍衛五哥等雲臺山進香事仰維

文思光被倬漢章天懷柔之典侔喬岳矣道光乙未冬

江南江西總督

宮保長沙陶公兩拜

御書印心石屋之

賜東海之人請恭摹

宸翰敬勒雲臺山巔洵茲山之殊榮也謹循倪守約
傅梅之例冠諸篇首增名山之盛事焉

志山之筆大率標舉仙靈刻畫巖壑無所謂建置也
雲臺一山自宋泰始中僑置青冀二州實爲節使
建牙之地其後置郡置縣沿革不一具載列史顧
氏舊志未能徵引崔志能補其遺而所遺者尙夥

詳見新志考證中按張睿卿峴山志顧元鏡九華
山志閔麟嗣黃山志僧元賢鼓山志皆有建置門
夫必曾爲郡縣治所而後可言建置則於志雲臺
者尤爲允協故立建置門
彭簪衡嶽志趙之韓恒岳志皆有事紀足以攄懷舊
之蓄念發思古之幽情登高能賦者手此寸編可
賅全史於循覽爲尤便雲臺一山在昔爲海道所
經南北朝時號爲重鎮唐宋以還迭爲郡縣治所
其戰守之迹史傳綦詳今之捫蘿引葛逍遙於泉
香石冷之間者其亦知山高水清皆我

國家承平休養之所致乎故立紀事門
曰郁洲曰蒼梧曰雲臺稱名雖異實祇一山江南通
志誤分郁洲雲臺爲二齊次風水道提綱遂承其
誤楊勤慤公有從蒼梧望雲臺詩亦承通志之誤
今於山水門辨正之詳具考證門
金侯摯稱海州連山阻海原非專指今之雲臺然雲
臺及南北羣山大半近海顧崔二志詳載枝流蔓
壑而轉遺靈瀆之尊今補著於山水門又隋開皇
八年伐陳吳州刺史蕭瓛遣燕榮以舟師自東海
至吳顧亭林以爲淮北海至蘇州之路而晉書
安帝紀劉牢之孫恩等傳又可考見郁洲至廣陵
海道當與紀事門互證之

崔志有城村門唐陶山方伯州志亦采東海十八村
村村出賢人之諺茲因崔志所錄增以唐州志及
李普元東海志較爲賅備考太平寰宇記載東海
有艾不城爲漢將追田橫時所築崔志遺之今附
錄城村之末以存古蹟
裘仲孺武夷山志首列名勝次臚雲構盛時泰牛首
山志先標巖洞後敘殿廬崔志勝蹟之後詳寺觀
用此例也而寺觀與物產同卷則失之不倫新志

各自爲卷朗若列眉至三元宮歷次重修卽以其時之碑記詩辭區別附登更便披覽

山海經注謂郁州從蒼梧徙來有南方物水經注謂郁洲山上有南方草木是雲臺之韞靈呈瑞視彼二韭三菁尤爲奧區襄仲孺武夷山志顧元鏡九華山志立物產門蔣鑛九疑山志徐待聘雁山志勝立土產門夫物產土產概詞也豈足彰名山之靈哉茲仿傅梅嵩書之例題曰物華所以著天不愛道地不愛寶蓋幸遇乎斯時也

東海物華當以鹽爲上珍近數十年來淮北承積疲之餘已成痼疾司農度支之府虛籍僅存而海濱資鹽爲生計者盡如涸轍之鮒道光壬辰欣逢宮保尚書長沙陶公按部海上登雲臺之巔相視便宜因定票鹽章程四方民大和會三年以來荒海遂成樂土上裕度支下拯黎獻功德之隆仁壽之頌當與雲臺同之至於瑞協時暘榮河利濟天時與人事相應如響則又在東海之民能端其心術謹奉法度勉持義利之介用能長迓天和永霑樂利矣故立票鹽門

東海大松江南通志以爲三代前物蓋据宋徐仲車

詩也崔志祇錄睡松不載此松其負此神物也實甚道光壬辰

宮保尙書陶公題爲蟠龍丈人而聲之以詩筆力精妙如化工之肖物此松歷數千年而後遇其遇固有待乎昔抱朴子引玉策記侈言千歲之松洛陽伽藍記言建中寺有千歲之樹以蟠龍丈人視之殆猶鼻祖之於耳孫得不謂之靈乎今用元劉大彬茅山志例題曰靈植榮之也若楊循吉金山志有草木門盛時秦牛首山志有草樹門豈足位置此神物哉

東海金石之古者有隋王謨之題名焉雖東門秦石海廟漢碑今日祇存虛目而自唐宋以來翠墨鐫華亦足登訪碑之錄其字畫小異者或得諸目驗或校以舊搨也邇者宮保陶公兩度登臨題名畱詠大書深刻輝映蓬瀛足增海山金石之重矣

元明以來志乘每泛載藝文取盈卷帙裘仲孺武夷山志以揆藻餘韻分二門沈津鄧尉山志以集詩集文標兩類榛楛不翦菁華易竭不幾以山志同總集乎徐待聘雁山志勝凡舊志所錄詩文概行

芟削則又矯枉過正崔志甄采逸文頗稱典博惟
濫登詩序壽序殊乖志例又誤以唐錢起詩爲明
朱之蕃詩雖多奚爲新志用彭簪衡嶽志例文以
景附景以類分譬臨珠淵專采徑寸翦榛楛而存
菁華庶便登峰者之瀏覽

志筆有三戒戒附會戒俶詭戒瑣屑而山志尤易犯
此三戒韓晃羅浮野乘有逸事門徐待聘雁山志
勝有雜事門景日昫說嵩附摭異李確乍浦九山
補志附變怪別爲閭餘其例較善茲立叢談雜綴
二門用僧元賢鼓山志張貞杞紀之例也


明桑喬廬山紀事所引羣籍皆標書名盛時泰牛首
山志於所采藝文亦著出處例之善者也張鳴鳳
桂勝以山水標目引證諸書敘述於前采歷代詩
文各附本條之後隨事閒加考證董斯張吳興備
志朱彝尊日下舊聞皆用其例新志仿之糾謬拾
遺附贅案語其有案語所不能盡者立考證門亦
仿石湖吳郡志例

圖與史相資雲臺有顧乾三十六景圖黃申瑾二十
四景圖乾之圖已逸僅存其目申瑾之圖礮石三
十置三元宮東廊崔志首列二十五圖分析山之


上下東西其例頗善新志增蟠龍松圖則以此松自宋時已稱三代以前神物閱世久而始有此奇遇洵當以圖傳之固異於徐德望武夷山志繪仙真圖陸欽山東通志繪海市圖也

鄒衡補嘉興志載徐碩舊志唐天麟郭晦二人之序蓋欲表舊志義例故存原序以見端末今仿其例惟趙一琴雲臺續志李普元東海志本無序文可采非漏也未為自敘謹臚損益舊志分門建類之微悞非妄希史班敘傳也

雲臺山圖



雲臺山 總圖



清風頂圖後頂附




右圖上東
北下西南


三臺新志

卷首圖


三





鳳凰城圖 九嶺山附



右圖上東北下西南




宿城村圖



右圖上北
下南


凌洲村圖



右圖上西北下東南




諸吳村圖




諸吳村

社林山




右圖上西北下東南

大義村圖



右圖上東下西




皇朝新志

卷首圖

右圖
上東
北下
西南


羊石
嘴

桃花洞




仰老石

小村圖
羊石嘴附




徐瀆浦

鷄嶺山




右圖上南下北




新縣村圖

巨平村附



沃壤村圖



嶺泥黃



右圖上北下南




卷之二

圖

二


平山村圖

山平




右圖上東北下西南


圖



東山村圖



右圖上東北下西南




高公島圖




右圖上
西北下
東南


高公島




右圖上北下南




西石村圖




諸韓村圖 牛王廟附



右圖上南下北




當路村圖 于公曠附



于公曠新



當路村

右圖上東下西




華巖巷基


諸曹村圖



關中村圖




右圖上北下南



隔峯村圖

第七十
福地

蘇家園




右圖上西
南下東北

大青澗

隔村




右圖上北下南



浦山

水流村圖




水流村


丹霞寺

札山

諸麻村圖




右圖上西北下東南




山東村圖



右圖上西北下東南



東石碣圖




圍屏山


福延

右圖上西北下東南

三峯崖




漁灣圖



龍潭
方家園


右圖上西北下東南




老龍潭

龍潭

右圖上南下北



墟溝城圖 石城村附





蟠龍松圖

雲臺新志 卷首
謹案雲臺金山延袤百里珣岑翠巘競秀騁奇飛
筇者必藉圖以為導崔志諸圖分上下東西粲若
列眉便於披覽茲據原圖為粉本詳加考訂足資
濟勝指南昔陳舜俞撰廬山記循山前後之次作
俯仰之圖識者稱其精密此二十六圖實仿其例
也至東海大松宋賢以為三代前物道光壬辰夏
兩江總督
宮保尚書陶公作蟠龍丈人歌以表章之因繪蟠
龍松圖比諸漢柏秦松之例其壽世者為彌久後
之來遊者當為文人慶曠代之奇緣矣

雲臺新志卷第一

恭紀

恩榮

康熙三十一年

聖祖仁皇帝

御書遙鎮洪流四字

賜雲臺山三元宮

唐仲冕嘉慶海州直隸州志

臣聞郁洲首載山經為禹跡所至而柏翳著書
於刊旅滌源之績略而弗詳遂使此山之樂石
瓌珉不能與响嘖之碑媿美然青巒翠巘亘繞

東隅外以障黃河九曲之流內以豐禺筴萬年
之利不獨飛白蒼梧猶有南方草木也此山雖
不見於禹貢而攷其疆索當屬徐州之域徐境
之山如羽畎擘陽以郁洲較之則部婁耳且所
貢夏翟浮磬祇爲禮樂之器無裨軍國之儲郁
洲則山海之饒漉沙卽珍視青州之鹽絺有過
之無不及者周公表九州之鎮山而徐并於青
青州以沂山作鎮載於職方若以郁洲作東維
之鎮不足補周官職方之闕乎自周至今三千
年矣稽諸往牒或爲郡治或爲縣治與他山之

鑿青鑿翠僅詡仙真棲跡者迴殊而南北朝時
曾於鬱洲僑置青冀二州鎮以節鉞如崔祖思
以假節督桓康以持節督因山設險帶甲十萬
誠重之也東魏時於鬱洲置臨海鎮詳見杜佑
通典及李吉甫元和郡縣圖志是此山固嘗有
鎮名然前世經武之權制未足語昇平之遠謨
也恭維我

聖祖仁皇帝蘿圖應瑞

親奠天綱鯨波旣靖以後淮黃順軌山彌高而水彌深
於廓靈海長爲委輸乃

允封疆大吏之請

特題

宸翰

大書遙鎮洪流四字

寵錫雲臺而此山之作鎮於東方者實自我

朝始迄今百數十年以來安瀾歲報榮光與卿嚮相

輝斯非其應歟昔宋祥符中以太宗御筆頒賜

天下名山史臣書之本紀傳諸後世以為美譚

令其幸生今茲仰瞻

奎畫更當為名山之靈拜舞稱慶矣

臣元淮謹記

康熙三十八年

聖駕南巡

命侍衛五哥等雲臺山進香

宋犖西陂類稿

臣聞輯瑞親侯禮修望秩稽古重華建極方岳

時巡燔柴告虔之餘並舉山川祀典為後世帝

王祭所過名山大川之始塙功考德蔚為上儀

猗歟盛哉仰惟我

聖祖仁皇帝鑿輅南巡觀風錫福卻禮官上元封禪之

議謂前史所稱之金泥玉檢祇為七十二家之

虛文

盛世弗尚也專以精意明禋升中吉土而懷柔徧於羣神喬嶽翁河之儀茂焉至海州雲臺一山則僻處東陬距

蹕路所經以記里之鼓計之吉行五十非五六驛不能達也在山靈効順亦惟遙拜

清塵歡呼

萬歲耳迺於

六飛弭節之時

特遣近臣

嘉德薦馨

光被海澨此豈山靈所敢望哉夫山川有能出雲作雨者秩而祀之禮也雲臺之雲固不崇朝而雨徧江淮矣抑茲山之靈以能出雲作雨而靈以祀三元而益彰其靈也乾以元資始坤以元資生統三才而協于一德此元之所以爲元也天地之官以斟元調元爲位業而天一生水已足兼五行之化原故三元之尊同於五嶽視三公之義而雲臺亦因三元而彌尊自康熙中馮蠡切和宣房受福是三元能勤修其職以報

聖天子之馨香也昔明臣顧乾撰雲臺山志以宮中錫

雲臺新志 卷第一
賚之駢蕃內臣奉祠之隆重侈陳爲梵宇所希
逢豈及我

國家懷柔之典侔於喬嶽哉是時江蘇巡撫臣宋燁
敬扈

屬車欣聞

恩命恭紀於所著西陂類彙中今小臣重修山志謹冠

諸簡端載筆增榮其茲山曠世之嘉會乎抑聞
之諸侯祭名山大川之在其地者雲臺隸兩江
總督統部之內而

本朝二百年來惟相國陳文恭公官江蘇巡撫時曾

臨山寺而制帥之前旌則未嘗一至也今

文宮保尙書陶公於壬辰之夏以講武察吏經畫
新蹇至焉乙未之夏

命爲三省閱兵大臣以次校閱海州東海諸營並觀
票鹽之成再至焉至則必登其巔齊明升香嘉
覘如答迺上海曙樓逕東磊度畱雲嶺至宿城
觀海於高公島藻夏宜晴麥氣彌潤神祇祐順
吉事有祥又以知自今以始其益霈澤霏甘雨
暘時若以仰酬我

皇上嘉予海隅蒼生共臻乎仁壽之至意而忠誠幹

國之良弼敬承

德意為民祈福神必福之矣

臣元淮謹記

道光十五年冬江南江西總督

宮保陶公入

覲兩拜

御書印心石屋之

賜明年夏東海人請恭摹

宸翰敬勒雲臺第一峰仰惟

乾文在上俯燭環瀛洵名山之盛事也

張承鑣太平嘉話

臣於道光乙未冬權淮北海州分司伏讀邸報

兩江總督臣陶澍跪

奏為恭謝

天恩事本月初四日軍機大臣恭捧

御書印心石屋四字扁額傳

旨賜臣謹即叩頭祇領

天題寵錫卿雲增石墨之華

宸翰

親頒喬采發山川之色感深鼇戴慶溢蝸廬伏念

臣

楚省菲材山鄉下士昨於

召見之頃仰蒙

垂詢家世兼及里居比經縷悉具對臣家洞庭西南

資水之濱兩岸石壁屹立如門潭心有石方正

若印名曰印心石幼隨臣父結屋讀書其上門

臨活水喜尋溥博之源石借他山常凜琢磨之

義江流千八百里別號茱萸溪環五十三灘近

鄰紅藿迨涉蓬瀛而窺中祕旋縮符綬而領兼

圻介切銘心敢擬中流一柱

恩深繫肘欣瞻朗映千潭每思若谷之

淵懷虛受有如投水愧乏迴瀾之厚力實行無補擎

天乃承齋額之

榮頌

特賁印心之嘉號拜易簡玉堂之貺飛白騰芳開文

翁石室之圖汗青在望從此摹懸素壁用箴盟

水之臣心還當鐫泐貞珉長煥輝山之

御寶所有微臣感激榮幸下忱謹繕摺恭謝

天恩伏乞

皇上聖鑒謹

奏道光十五年十二月初五日奉

旨知道了欽此明年夏五月東海人合詞以請曰惟

聖主重賢臣

親書

寶翰而窮黎登樂土深感仁帡曩者苦海熬波將化
溝中之瘠今則平灘霏玉幾誇席上之珍播靈
液兮作鹹笑鼓腹全資金鹵羨

天章之倬漢願當頭朗照瓊田思挹東海以磨崖喜
向南薰而選石湖傳經於綺歲教忠與教孝兼

隆藉

錫福於

璇題名世共名山同壽庇人有廣厦三公變理比三
元盟水此清襟萬丈光芒垂萬古欣奉四言

寵賁允矣君子之宜曾經兩度躬臨是亦召公所憩

仰

文思於

鴻視

字字長春證雅契於龍松心心相印謹臚嘉頌期愜

輿情

元淮

為請於

宮保虔奉摹本恭勒雲臺山水簾洞上以昭瞻仰
俾涵泳高深者咸景

榮光之煥而知大庇吾民之澤孔長也

臣元淮

謹記

雲臺新志卷第二
 建置
 山海形勝
 國朝崔應階雲臺山志雲臺山古東海縣山之總名
 也在今海州治東北周圍延亘幾三百里山分湖
 南湖北兩處中隔萬金湖謹案萬金湖今已成平陸自古在大
 海中康熙庚寅辛卯間海漲沙淤始通陸路江南
 通志引金侯摯語云連山阻海又云歷天入海淮
 之巨鎮蓋內為淮黃之尾閭外為島門之屏障實
 江北形勢要區非特如海州志所云清幽秀麗雲

雲臺新志卷第二

建置

山海形勝

國朝崔應階雲臺山志雲臺山古東海縣山之總名
 也在今海州治東北周圍延亘幾三百里山分湖
 南湖北兩處中隔萬金湖謹案萬金湖今已成平陸自古在大
 海中康熙庚寅辛卯間海漲沙淤始通陸路江南
 通志引金侯摯語云連山阻海又云歷天入海淮
 之巨鎮蓋內為淮黃之尾閭外為島門之屏障實
 江北形勢要區非特如海州志所云清幽秀麗雲

氣蔚鬱僅爲山海奇觀已也

謹案元魏時於郁州置臨海鎮世宗永平四年
賜盧昶詔曰胸山爲戍郁州之本是郁州實爲
重鎮又稱水陸交奏揚郁路衝則以郁州與揚
州並爲輻輳要區顧祖禹方輿紀要海州下所
云阻海連山南北衝要六朝時置重鎮於此卽
指郁州也今則遡防樹闌山海恬熙士之登峰
攬勝者其亦思戴高泳深之所自來乎

雲臺山名異同

雲臺山本名郁州山一名都州山

山海經海內東經都州在海中一曰郁州郭璞注
今在東海胸縣東世傳此山自蒼梧徙來上皆有
南方物也

一曰鬱州山

南齊書州郡志青州宋泰始初淮北沒虜六年始
治鬱州上鬱州在海中周迴數百里島出白鹿土
有田疇魚鹽之利崔志按山海經晉郭璞注其時
稱曰郁州宋齊因之曰鬱州卽郁州則六朝以前
俱稱郁州山無疑

謹案山海經本文已稱郁州晉書安帝紀劉牢

之傳孫恩傳屢見郁洲字是自三代以來俱稱
郁州也詳見考證門

一曰郁鬱山宋書四之曰鬱山
杜佑通典郁州東魏武定中置臨海鎮于此其山
亦名郁鬱山江南通志鬱洲山在朐山東北海中
有大洲謂之鬱州又名郁州一名郁鬱山
一曰鬱林山

隋書地理志東海有鬱林山

一曰蒼梧山輿地紀勝東世嶺北山自蒼梧嶺來土音曰
王存元豐九域志東海縣有蒼梧山崔志按存宋

人其志云蒼梧山則宋時稱爲蒼梧山無疑且蘇
軾有次韻孫職方蒼梧山詩尤爲確証

謹案水經注引崔季珪述初賦言郁洲者故蒼
梧之山也季珪爲漢末人酈善長爲元魏人則
蒼梧之名不始於宋太平寰宇記載蒼梧山於
東海縣下樂史係宋初人不待元豐以後始有
蒼梧之名也詳見考證門

今名雲臺山

大清一統志雲臺山在海州東北四十里秀色蒼
鬱雲多幽奇江南通志雲臺山幽深秀特常冠雲

氣崔志雲臺山名未審起自何時攷明高登龍雲臺山圖序云余郡隸有海州濱於海之東因曰東海至雲臺則巍然萬仞立焉卽古郁州蒼梧山也其名不至今傳然延至我明較著又明顧乾雲臺圖識內引三元真經云三元神聖駕五色祥雲乘九炁清風雲臺山上放大毫光故後人呼其名爲雲臺山始發跡於唐次重建於宋若是則唐宋時已著雲臺之名矣然顧志引用多無確據唐宋以前他書未見惟明時文獻多稱此名識此以待博雅者之攷訂

謹案明張峰州志刻於隆慶六年祇稱蒼梧至宋祖舜淮安府志刻於天啟初始有雲臺山之名蓋自神宗時創建三元宮因借蜀中之雲臺標茲山之靈異耳又名東溘山自紀映鍾已字山樵集之外別無承用之者

郡縣沿革

雲臺山舊爲南青州治

宋書州郡志明帝失淮北於鬱州僑立青州立齊北海西海郡

青冀二州治

資治通鑑宋明帝失淮北僑立青冀二州治鬱州齊郡治

南齊書州郡志青州宋泰始六年始治鬱州上鬱州在海中劉善明為刺史以海中易固不峻城雉乃累石為之高可八九尺後為齊郡治

北海郡治

南齊書州郡志建元初徙齊郡治瓜步以北海治齊郡故治州治如舊

東海郡治

凌廷堪胸乘魏書地形志東海郡蕭衍改置北海郡武定七年復

即今之雲臺山

東海縣治

顧祖禹方輿紀要東海廢縣在州東十九里即鬱州山也宋書州郡志泰始七年立東海縣屬東海郡隋書地理志東海舊置廣饒縣及東海郡後齊分廣饒置東海縣又云東海郡開皇初廢郡及東海縣仁壽元年改廣饒曰東海舊唐書地理志東海縣治鬱洲四面環海新唐書地理志東海縣武德四年以縣置環州八年州廢以東海來屬按來屬謂屬東海郡元豐九域志開寶三年升胸山縣東海監為

縣元史地理志至元二十年省東海縣入胸山

鬱縣治

宋書州郡志泰始七年立東海縣屬東海郡按東海郡

當作北海郡又割贛榆置鬱縣謹案鬱縣當以鬱洲得名

都昌縣治

南齊書州郡志都昌縣屬北海郡注宋鬱縣建元

改用漢名也

安流縣治

魏書地形志安流蕭衍置都昌縣武定七年改

廣饒縣治

南齊書州郡志廣饒縣屬北海郡即宋東海縣魏

書地形志廣饒縣蕭蹟置魏因之謹案魏時屬東海郡

海州治

宋史端平二年海州徙治東海縣淳祐十二年全

子壇又據之謹案全謂李全治胸山景定二年壇降置西

海州謹案是時海州仍治東海縣尋復以西海州為海州

崔志案江南通志載雲臺有東海舊縣東海新縣

舊縣治相傳在搭山下今已沈沒海中新縣治即

新縣村地現有城址今歷考史籍雲臺不獨向為

縣治且為州郡治第歷年既久志乘失傳耳至舊

縣新縣未詳何所分別土人相傳皆云後世舊縣沒于海中復立新縣然其年分在于何時史無確攷附志于末以示闕疑

謹案郁州於南北朝時爲鬱縣都昌縣安流縣廣饒縣治皆東海縣地也沿革不一建置隨時通志所載新縣舊縣當爲鬱縣都昌諸治所耳詳見考證門

裁復原委

國朝雲臺山興廢

崔志順治十八年兵部尚書蘇納海等會閱江南

省沿海地方將各島附近村莊俱令遷移內境雲

臺山以向在海中一併禁爲界外

謹案是爲裁海

康熙十

六年漕運總督帥顏保奏請復雲臺山爲內地

謹案是爲復海

時山在海中南距板浦中正兩場僅隔一

渡渡名對口溜風濤險惡以西通恬風渡東通大島口每潮長時兩潮相對激而爲溜也康熙四十年後海漲沙淤渡口漸塞至五十年忽成陸地直抵山下矣

國朝漕運總督帥顏保請復雲臺山疏略

江南通志參復山集

題爲籲復雲臺上助漕運下存子遺事據淮揚

道副使黃桂呈詳到臣該臣看得淮安府屬海州生員江之蒞等呈復雲臺臣隨批行各官酌議復咨商督撫河提諸臣此山實與州城甚近比別島遠在海中者不同其山周圍三百餘里物產民聚向稱豐腴且屏障海口為淮黃尾閭自從廢為禁地壅沙日久黃淮漫決以致淮揚水患頻仍運道民生俱有堪虞今應否開復雲臺山為內地合候部議臣謹合詞密題奉旨九卿等事府科道會議具奏欽此

吏部侍郎哲爾肯等會看雲臺山疏略

復山集

臣等會同看得雲臺山與海州城止隔二河此水係繞山而流潮長不過十里潮落不過四五里其山周圍三百餘里南有鳳凰城北有墟溝城山內舊有寺廟村莊俱已拆毀山腳地平之處舊有耕種田畝其東北通大洋其東有東陬山西陬山北距山東省安東衛西北則江南省贛榆縣境也俱為內地見有鹽場竈戶人民居住此山實在腹裏是以原任江南江西總督臣麻勒吉會以雲臺山應為內地具題查雲臺山東海一所有屯丁徐瀆一場有竈戶及海州

七里輪納錢糧之民今詢問原住此山土人僉稱自從此山禁棄三元停祀之後河道屢經衝決者實由於此况此山除小村莊不計外內有大村莊十八處田土膏腴於民生

國計大有利益等語今將雲臺山作為內地應令該管官將從前遷徙屯丁竈戶人民招徠復業開墾地畝限以三年起科若先經遷移人民缺少餘剩田地無人居住令江南失所人民情願居住者地方官酌量確察安插所耕之地照例起科再查東海一營原設守備一員把總二員兵

四百名分防瞭望今若創行募兵需費錢糧應將江南通省經制兵內抽撥四百名防守至守備一員把總二員聽該督等遴選補授其應作何兼轄並復立邊界嚴禁奸徒出入之處應行令江南督撫諸臣公同確議具題可也

江南江西總督阿席熙詳議籲復雲臺疏

東海志

題為籲復雲臺事康熙十六年七月二十八日准兵部等衙門密咨前事該臣看得海州雲臺山先經吏部侍郎哲爾肯等會勘具題請改為內地應如所題將廟海二營原調兵丁四

百名撤回東海營其所需官員應於內地官員
酌量抽撥管轄等因 題奉

俞旨移咨到臣臣隨移會總漕督臣江寧撫臣江寧
提督臣並照會狼山總鎮公同詳議續准總漕
督臣咨會及狼山總兵官呈覆將原東海營
歸廟海二營兵丁照數撥出其該營官員抽撥
管轄並原題復立邊界嚴禁奸徒出入之處逐
一詳議前來臣查新復東海營亦係海疆要汛
必須能員始克勝任今議將海州營左軍守備
夏九韶撥為東海守備帶領把總一員駐劄雲

臺山墟溝城統兵派防其鳳凰城應駐把總一
員率兵派防應請鑄給東海營守備條記一顆
並換給守備劄付其廟灣營撥去把總馮敏學
海州營撥去把總方世英亦換給東海營左右
哨把總劄付該營官兵應聽海州營遊擊兼轄
狼山總兵官統轄至海州營原設左右二軍守
備二員一隨遊擊駐劄海州一駐防海州所屬
贛榆縣今該營守備既調補東海營守備則該
營中軍事務需員料理應將右軍守備金國政
改為中軍守備撤回海州管理該營錢糧事務

雲臺新志 卷第二
另委營弁駐防贛榆並請換給中軍守備劄付
至雲臺新復防範宜嚴原 題復立邊界嚴禁
奸徒出入之處今應將雲臺山扼要之鷹遊山
立爲北界並東南之高公島與東峽口相聯處
所立爲東南界又以雲臺山之東錠網港口立
爲東界設立烽墩分兵防守并撥海州營額設
沙船一隻在此巡緝雲臺山之南則係夾河去
山不遠河之南卽海州居民耕鑿之鄉其山之
西北與贛榆縣之青口相對亦卽以此爲界撥
派官兵防守再復業民人往來濟渡酌定塔兒

灣一處設立渡船編號稽查不許越此他渡及
容留外來船隻亦足以防奸宄矣惟是廟灣海
州二營原先東海歸併兵丁今旣撤回則見在
之兵不敷經制額設之數該二營所屬海汛綿
長地方遼闊總漕督臣深以汛廣兵單爲慮咨
臣於通省內地經制營兵之內酌量緩急抽調
補數但江南各營自除汰兵數以後 題定經
制額數在在兵單然邊海巖疆較內地尤爲喫
緊不得不稍爲變通以期固圉今議撥蘇州營
兵一百名常州營兵五十名泰州營兵三十名

掘港泰興二營各兵十名共二百名分歸廟灣
海州二營臣謹會同總漕督臣帥顏保江寧撫
臣慕天顏江寧提督臣楊捷合詞密題奉

旨該部議奏欽此康熙十七年閏二月初二日兵部
照議覆題初四日奉

旨依議

胡啟睿復東海序

愚禁集

東海古鬱洲東通日本北接

盛京南距定海舟山崇明廟灣鹽城僅一襟帶水實
海運重地南北咽喉設東海營駐鳳凰城復分

設鷹遊營及備倭指揮千百戶駐墟溝營黑土
哨移駐青口爲犄角之勢春秋二季東海營與
廟灣鹽城兩營會哨倘海氛竊發有東海重兵
可以揚帆堵截不至憑陵膠沂震驚登萊封疆
門戶誠重之也况魚鹽蕃殖商賈輻輳七里之
生齒租庸攸關兩城之軍民版圖無恙非同窮
山荒島可以聽其興廢也當海氛煽虐

朝議將閩廣江浙山東沿海一帶悉令遷入內地此
堅壁清野之計樞部確有定見然有可遷者亦
有不可遷者棄舟山非計棄東海更非計也棄

舟山則定海崇明之勢孤棄東海則廟灣鹽城
膠沂登萊之勢孤無東海是無海州並無淮揚
矣况江湖河海關繫天下血脈塞黃河之海口
水漲沙壅堰決漕梗塞新壩之海口札溜堆沙
噎疾時行予是以作懷東海賦而有杞憂也憶
蘇大司馬會勘遷海督撫提鎮戒在若得親臨
雲臺相度形勢加以士民陳說地關門戶咽喉
尚在可遷可不遷之間乃艤舟板浦正擬入海
忽黃風掀浪黑霧瀾漫遂未鼓柁問渡而遷海
之計乃決三百年滿倭防海之要地人煙稠密

之樂土竟蕩然一空矣嗣蒙

世祖章皇帝顧瞻東南特遣重臣再臨東海以爲地可
增兵不可廢置也然已無及矣辛亥孟秋子自
星沙歸胸計甲午入京華後官瀛海宜江離故
園十有七年矣遙望東海山川如故竟不得一
葦杭之向祖宗山原潛焉出涕復返湖湘淹留
漢上思歸不得茲者總督漕運帥公披覽輿圖
知東海爲東南要地不宜輕廢因士民江之蒞
等呈請復海密疏上聞

聖天子軫念東南深知復海之有關大計特遣專官

雲臺新志 卷第二 十三
聖天再為相度令遷徙軍民悉歸故土予在漢上得
邸報以手加額曰此

朝廷之恩實封疆之利重門戶嚴海防增戶口培元
氣君都臣俞安上全下向者歌頰尾今則適樂
郊矣向者依婚姻今則復邦族矣薄田可以備
饘粥敝廬可以蔽風雨皆公之賜也昔趙充國
上金城方略克奠邊陲今封疆鞏固百世之樂
利甚哉興廢之數必繫乎人也予將東歸掃墓
田思與東海人士為公建祠于雲臺之麓使世
世子孫知公之錫福無疆也康熙戊午三月

張養重送胡天仿之東海時遷撤初復

虞山集

浪拍雲臺境久荒如聞東去接扶桑雞聲啼處
乾坤白魚眼開時日月黃滿目山川迷海岱千
秋人物數齊梁乘槎莫歎無消息指點蓬瀛未
渺茫

雲臺新志卷第三
紀事
漢書昭帝紀始元三年冬十月鳳皇集東海遣使者
祠其處謹案雲臺山側有鳳皇
山鳳皇城相傳卽其處
晉書安帝紀隆安五年六月寧朔將軍高雅之擊孫
恩於廣陵之郁洲爲賊所執
晉書劉牢之傳孫恩聞牢之已還京口乃走郁州又
爲敬宣劉裕等所破謹案敬宣
牢之子
晉書孫恩傳隆安五年恩北寇廣陵陷之乃浮海而
北劉裕與劉敬宣併軍躡之於郁州累戰恩復大

雲臺新志卷第三

紀事

漢書昭帝紀始元三年冬十月鳳皇集東海遣使者

祠其處

謹案雲臺山側有鳳皇
山鳳皇城相傳卽其處

晉書安帝紀隆安五年六月寧朔將軍高雅之擊孫

恩於廣陵之郁洲爲賊所執

晉書劉牢之傳孫恩聞牢之已還京口乃走郁州又

爲敬宣劉裕等所破

謹案敬宣
牢之子

晉書孫恩傳隆安五年恩北寇廣陵陷之乃浮海而

北劉裕與劉敬宣併軍躡之於郁州累戰恩復大

敗

宋書高祖紀孫恩率眾入寇尋知劉牢之已還朝廷

有備遂走向鬱洲八月以高祖為建武將軍下邳

太守領水軍追恩至鬱洲復大破恩恩南走

宋書武帝紀恭帝

晉恭帝

元熙元年以徐州之東海增

宋國

宋書明帝紀泰始三年曲赦青冀二州

謹案本紀二年失淮北四

州無僑置二州年月讀史方輿紀要云二年僑置於鬱洲

南齊書劉懷珍傳明帝

宋明帝

遣青州刺史明僧暲北

征築壘以逼沈文秀為文秀所破仍進攻僧暲帝

使懷珍率龍驤將軍王廣之五百騎步卒二千人

沿海救援至東海而僧暲已退保東萊懷珍進據

胸城眾心恟懼或欲且保郁洲懷珍進至黔陬偽

長廣太守劉桃根戍不其城懷珍遣王廣之將百

騎襲陷其城桃根走

泰始三年

宋書明帝紀泰始五年九月曲赦兗徐青冀四州

魏書高祖紀延興元年劉彧將垣崇祖率眾二萬自

郁洲寇東兗州屯於南城固十一月刺史于洛侯

討破之崇祖還郁洲

泰始七年

南齊書高帝本紀建元二年閏七月索虜攻胸山青

冀二州刺史盧紹之等破走之

南齊書周山圖傳建元元年出為假節督兗青冀三州徐州東海朐山軍事二年進號輔國將軍其秋虜動上策虜必不出淮陰虜果寇朐為元元度盧紹之所破是時淮北四州起義上使山圖自淮入清倍道應赴會義眾為虜所沒山圖拔三百家還淮陰表移東海郡治漣口

南齊書魏虜傳宏遣偽南部尚書託跋等

謹案魏書高祖紀是

梁郡王嘉等字上或脫嘉字

向司州分兵出兗青界十萬眾圍

朐山戍主元元度嬰城固守青冀二州刺史盧紹

之遣子奐領兵助之城無食紹之出頓州南石頭亭隔海運糧柴供給城內虜圍斷海道緣岸攻城會潮水大至虜渰溺元度出兵奮擊大破之臺遣軍主崔靈建楊法持房靈民萬餘人從淮入海船艦至夜合舉兩火虜眾望見謂是南軍大至一時奔退鬱洲呼石頭亭為平虜亭

魏書高祖紀太和五年五月青州主簿崔次恩聚眾謀叛州軍擊之次恩走郁州

南齊書武帝紀永明六年閏九月詔曰北兗北徐豫司青冀八州邊接疆場民多縣罄原永明以前所

通租調

魏書盧昶傳永平四年夏昶表曰蕭衍琅琊郡民王萬壽攻衍朐城斬衍輔國將軍琅琊東莞二郡太守帶朐山戍主劉晰並將士四十餘人傳首至州臣卽遣兼郟城戍副張天惠率驍勇二百徑往赴之琅琊諸戍絡繹繼援而衍郁洲已遣二軍以拒天惠天惠與萬壽等內外齊擊俘斬數百便卽據城詔遣左右直長閻遵業具往宣懷

魏書世宗紀延昌二年二月蕭衍郁州民徐元明等斬送衍鎮北將軍青冀二州刺史張稷首以州內

附詔前兖州刺史樊魯率衆赴之

梁書武帝紀大同四年八月詔青冀南北青等十二州旣經饑饉曲赦通租宿債勿收今年三調

太清三年青冀二州刺史明少遐北青州刺史王奉伯各舉州附于魏

陳書宣帝紀太建五年八月青州東海城降

陳書徐敬成傳太建五年吳明徹北討別遣敬成爲都督克漣口朐山二戍進攻鬱州克之

隋書高祖紀開皇八年十月伐陳落叢公燕榮出東海

隋書煬帝紀大業九年九月東海人彭孝才舉兵為盜眾數萬

大業十一年十月東海賊帥李子通擁眾渡淮自號

楚王建元明政十二年二月東海賊盧公暹率眾

萬餘保於蒼山謹案山在沂郟之間九月東海人杜謹案雍本多伏

威二揚州沈覓敵等作亂眾至數萬右禦衛將軍

陳稜擊破之謹案杜伏威齊郡章邱人故煬帝紀十三年春正月齊郡賊杜伏威率眾

渡淮東海人杜或另是一人李子通沂州承人

唐書高祖本紀大業十三年煬帝遊江都天下盜起

蔣宏度據東海臧君相據海州

唐書李聽傳帝憲討李思道出聽楚州刺史淮南兵

綿弱鄆人素易之聽日整勒士皆奮即掩賊不虞

趨漣水破沐陽絕龍沮堰遂取海州攻朐山降之

懷仁東海兩城望風送款

唐書藩鎮李師道傳淮南節度使李夷簡命聽趨海

州下沐陽朐山進戍東海

路振九國志唐昭宗乾寧二年張訓屯兵漣水以備

梁師劉知俊聚糧石碭戍守皆潰盡焚其儲積訓

歸路出東海為知俊所邀訓擊大破之

續資治通鑑宋高宗建炎四年金太宗天會八年金完顏昌

急攻趙立於楚州劉光世督淮南諸鎮往援之東
海李彥先首以兵至淮濱扼敵不得進初彥先在
韓世忠軍沭陽之潰彥先入海聚衆有兵數千與
李進彥分統之至是彥先爲海州淮陽軍鎮撫使
進彥爲海州兵馬鈐轄彥先以舟師援趙立金人
擊之彥先死時進彥在東海縣招集彥先餘衆後
渡海至秀州受呂頤浩節制

金史徐文傳東海縣人徐元張旺作亂縣人房真等
三人走海州及總管府上變州府皆遣使效隨真
等詣東海觀賊形勢皆爲賊所害州府合兵攻之

累月不下海陵詔文與步軍指揮使張宏信同知
大興尹李維忠直宿將軍蕭阿古

謹案舊作蕭阿古今改正

舟師九百浮海討之文等至東海與賊戰敗之斬
首五千級獲徐元張旺餘衆請降文遷定海軍節

度使房真三人官賞有差

金海陵王正隆五年宋紹興三十年

續文獻通考金海陵王正隆四年造戰船於通州五
年遣都水監徐文等率舟師九百浮海討東海縣
民張旺詔曰朕志不在一邑將試舟師耳

金史海陵王紀正隆五年六月東海平七月辛巳詔
東海縣徐元張旺誣誤者并釋之

續資治通鑑金東海縣民爲盜有李秀者密請淮東副總管宋肇納欵願得南歸時議疑其或致衝突謀者因謂其與金結納將大興師南來乃命劉光輔爲淮南諸路副總管駐楚州以爲之備光輔未至秀又遣其徒至楚州見通判權州事徐宗偃求濟師宗偃諭遣之貽書大臣大約謂東海飢民嘯聚金偏師一至卽便撲滅縱得志必自沂密橫行山東失利則乘舟入海不足爲吾患今添置兵官招集叛亡適足以生邊衅三十一年金世宗大定元年卽海陵王正隆六年八月忠義人魏勝復海州推浙西副總管

李寶之子承節郎公佐領州事勝攻沂州敗還金兵圍之十月寶以舟師至東海縣麾兵登岸奮擊金人引去勝出城迎寶寶維舟犒士山東豪傑開趙等遣使至軍前納欵寶以舟師進至石白山金山師舟泊唐家島相去三十里知胸山縣高敞曰彼衆我寡宜避之神將曹洋請戰寶遣洋與黃端禱于石臼神祈風與金人遇於膠西縣之陳家島大敗之聞金主亮已渡淮乃還軍駐東海縣旣而山海後統制官王世隆開趙皆來會寶命趙率其衆傍海以行而與世隆同赴行在

宋史李寶傳寶河北人金人之寇海州也命寶爲沿海制置使帥舟師往援鼓勵士卒縱舟抵東海敵已雲合圍海州旌麾數十里寶麾兵登岸以劍畫地曰今日此非復吾境乃戰與否在汝等因握槳前行遇敵奮擊將士鼓勇無不一當十敵出不意亟引去魏勝出城迎寶獎其忠義勉以共立功名勝感泣復移軍與金人戰于膠西石白阜大敗之捷聞詔獎諭書忠勇李寶四字表其旌幟命還軍駐東海視緩急爲表裏援

金史章宗紀泰和六年

宋寧宗開禧二年蒙古太祖元年

六月宋商

榮復攻東海縣令完顏縹森謹案舊作完顏卞僧今改正復敗之

宋史李全傳完顏霆敗安兒于闕頭滴水安兒單舸走舟人斬以獻安兒妹四娘子素狡黠劉全收潰卒奉而統之全以其衆附楊氏合軍與霆戰又敗全收餘衆保東海安兒之未敗也定遠民季先者安兒處以軍職安兒死先至山陽見應純之道豪傑願附之意純之命沈鐸爲武鋒軍副將與高忠皎各集忠義民兵先遂以李全五千人附忠皎合兵攻尅海州糧援不繼退屯東海純之聞于朝敕

慰接之號忠義軍就聽節制放忠義糧于是東海馬良高林宋德珍等萬人輻輳漣水全與劉全俱起羨心焉

金史宣宗紀興定元年宋嘉定十年蒙古太祖十二年六月宋人合土寇攻東海境

宋史李全傳嘉定十二年金興定三年金人圍淮西急帥司調全援盱眙全親往東海點軍赴之

宋史理宗紀寶祐二年蒙古憲宗四年三月甲午城東海賈似道以圖來上

宋史李庭芝傳庭芝奪情主管兩淮制置司事再破壇兵殺壇將厲元帥夷南城而歸明年復敗壇於

喬邨破東海石圍等城壇謂李壇

宋史理宗紀景定三年蒙古世祖中統三年二月庚戌李壇以

漣海三城叛元來歸三月辛未詔升海州東海縣為東海軍

元史博爾歡傳謹案舊作博羅驩今改正伐宋詔左軍受博爾歡

節度軍于下邳召將佐謀曰清河城小而固與昭信淮安泗州為犄角猝未易拔海州東海石湫遠在數百里之外必不嚴備吾頓大兵為疑兵以輕騎倍道襲之其守將可擒也師至三城果皆下

元史世祖紀至元十三年宋端宗景炎元年三月丁安撫等
來降選五州丁壯四千人守海州東海

國朝蔣良騏東華錄順治三年九月鎮守廬鳳淮揚
等處固山額真準塔等 奏故明新昌王遁於雲
臺山作亂官兵破之獲新昌王於淮安斬之

江之表遇變紀略前明甲申之變臨淮伯劉澤清率
軍赴淮道經海州居民驚逸續有王遵坦者踞南
城八月屠毒生民後附澤清航海遁澤清裨將高
進忠復踞東海自乙酉七月比戶拷掠殺人如麻
漕撫王公文奎遣官招安爲進忠所害遂督師進

勦八月四日舳艫旌旗遮蔽山海士民具壺漿祇
迎進忠勢窘免脫重洋幸逢

盛世謹記其梗概

羅珍昇平紀談順治十八年閩逆鄭成功以舟師寇
江南陷鎮江遂犯金陵江南提督梁化鳳迎戰大
破之成功以單舸從海道遁歸

朝命重臣察看沿海情形兵部尙書蘇公納海等親
履海州南境議遷雲臺附近軍民於州西開墾荒
田以巨木排椿釘塞海口是爲裁海至康熙十六
年漕運總督帥公顏保 奏請開復雲臺

欽使吏部侍郎哲公爾肯會同督撫履勘 奏准復
雲臺爲內地今山下桑麻盈野鹽池豐饒甲於海
上稱爲三元福地云

